

Y Gwir Anrh. Mark Drakeford AC

Llywodraeth Cymru
Tŷ Hywel
Caerdydd CF99 1NA

25 Ebrill 2019

Annwyl Brif Weinidog,

Gan fod y Cyngor Ewropeaidd wedi rhoi mwy o amser i ni chwilio am ateb i'r argyfwng presennol, a bod Llywodraeth y DU ac arweinyddiaeth Llafur mewn trafodaethau, mae ein cefnogwyr ar draws Cymru yn eich annog chi - fel Prif Weinidog Cymru - i roi'r pwysau mwyaf ar Lywodraeth y DU ac arweinyddiaeth eich plaid eich hun yn y Senedd.

Ar 25 Tachwedd 2016 mewn araith ym Mhrifysgol Abertawe - yn rhinwedd eich swydd fel Gweinidog Cyllid Cymru bryd hynny - fe wnaethoch amlinellu 10 prawf y byddai Llywodraeth Cymru yn eu mynnu wrth asesu unrhyw gytundeb Brexit. Roedd y rhain yn brofion celfydd wedi eu dylunio i ddiogelu buddiannau Cymru.

Yn Ionawr 2017, nododd eich rhagflaenydd fel Prif Weinidog, Carwyn Jones, mewn papur gwyn – *Diogelu Dyfodol Cymru*, a gyhoeddwyd ar y cyd â Phlaid Cymru - fod yn rhaid i'r "telerau ymadael ddiogelu buddiannau hanfodol Cymru" ac "[nad] oedd pobl wedi cael eu perswadio i bleidleisio dros 'Arael' gyda'r bwriad o wneud Cymru'n waeth ei byd o ganlyniad i hynny." Ers hynny, mae rhagolygon economaidd pellach ond wedi pwysleisio difrifoldeb y canlyniadau y gallai Cymru eu hwynebu.

Deunaw mis ar ôl sefydlu profion Llywodraeth Cymru, mae'n glir bellach, wrth ddarllen cyflwr presennol y trafodaethau, mai dim ond un o'r 10 prawf hyn sydd wedi cael ei fodloni, mae tri wedi cael eu bodloni'n rhannol, tra bod chwech heb eu bodloni. Gallai rhai hyd yn oed ystyried bod yr asesiad hwn yn hael i Lywodraeth y DU.

I grynhoi, hyd yn oed os ceir cytundeb cyfaddawd yn y trafodaethau rhwng Theresa May a Jeremy Corbyn, nid oes cytundeb ar gael yn realistig sydd yn cynnig canlyniadau, economaidd na gwleidyddol, i Gymru sydd yn well neu'n agos at fod cystal â'r rheiny sydd ar gael trwy barhau i fod yn aelod o'r Undeb Ewropeaidd.

Yn y sefyllfa hon, credwn ei fod eisoes yn glir bod Llywodraeth y DU wedi methu'n llwyr â diogelu buddiannau pobl Cymru fel y gwnaethoch chi eich hun eu diffinio yn eich anerchiad yn Abertawe - a'i gadarnhau ym Mhapur Gwyn Llywodraeth Cymru/Plaid Cymru.

Does dim amheuaeth gennym bod y sefyllfa hon wedi codi yn sgil cyfuniad o wrthddweud yn ymwneud â Brexit, camdrafod sylweddol gan Lywodraeth y DU, a methiant i ymgysylltu'n ystyrlon â Llywodraethau Cymru a'r Alban.

Gan fod hyn yn wir, credwn fod dyletswydd ar Lywodraeth Cymru i wneud y methiannau hyn gan Lywodraeth y DU yn glir i'r cyhoedd yng Nghymru ac, o ganlyniad, mynnu pleidlais gyhoeddus newydd lle byddai parhau yn aelod o'r UE yn opsiwn wedi ei nodi.

Nid yw'n ddigon bellach i ddweud bod 'pleidlais gadarnhaol' yn dal ar y bwrdd ar gyfer pa drefniant bynnag sy'n cael ei wthio drwy'r Senedd, neu y gallai fod dewis rhwng etholiad cyffredinol a refferendwm. Nid yw etholiad cyffredinol yn ddewis amgen digonol i refferendwm.

Pa bynnag ffordd ymlaen sy'n cael ei chytuno gan y Senedd, yr unig ffordd i brofi barn y cyhoedd o'r newydd, mewn ffordd sydd yn parhau canlyniad refferendwm 2016, heb ei pharhau gan faterion eraill, yw cynnal Pleidlais y Bobl newydd. Dyma'r unig ddewis democrataidd, teg a dylai fod yn ymrwymiad hanfodol mewn unrhyw fanffesto Llafur, p'un ai ar gyfer etholiadau Ewropeaidd neu Etholiad Cyffredinol.



Mae'r penderfyniad gan y Cyngor Ewropeaidd i ymestyn cyfnod Erthygl 50 hyd at 31 Hydref o leiaf yn golygu bod gennym bellach amser am drafodaeth llai gorffwyll ac i gymeradwyo'r ddeddfwriaeth angenrheidiol ar gyfer cynnal refferendwm yn nhymor yr hydref eleni.

Yn yr amgylchiadau peryglus o ansicr presennol i Gymru, gofynnwn eich bod yn sicrhau bod Llywodraeth Cymru'n ymrwmo ar frys ac yn ddigamsyniol i gefnogi refferendwm newydd, i wneud hyn yn glir i drafodwyr y Blaid Lafur, ac i sicrhau cefnogaeth ein Cynulliad Cenedlaethol ar gyfer y trywydd hwn cyn gynted â phosibl.

Yn gywir,

Geraint Talfan Davies

Cymru Dros Ewrop

Helen Wales

Caerdydd Dros Ewrop

Silas Jones

Gogledd Dros Ewrop

Peter Frederick Gilbey

Cymru Dros Ewrop

Paul Willner

Abertawe Dros Ewrop

Shaun Thomas

Cymoedd Dros Ewrop

Ar ran Cymru Dros Ewrop a 18 grŵp lleol ym mhob ardal awdurdod lleol yng Nghymru.

10 prawf Brexit Llywodraeth Cymru a nodwyd gan Mark Drakeford AC, pan oedd yn Weinidog Cyllid Llywodraeth Cymru, ym Mhrifysgol Abertawe, ar 25 Tachwedd 2016

ASESIAD

1. Mynediad dilyffethair, llawn i'r farchnad sengl, heb ein llwytho gan dariffau, cwotâu neu unrhyw rwystrau technegol i fasnach.

HEB EI FODLONI. *Mynediad llawn i'r farchnad sengl a'r undeb tollau heb ei gytuno eto, er gwaethaf cefnogaeth sylweddol i'r undeb tollau yn y Senedd (dim ond tri yn brin o uchafswm yn y bleidlais fynegol ddiwethaf). Nid yw'r Datganiad Gwleidyddol yn gofyn am fynediad i ddiwydiannau gwasanaeth sydd yn cynrychioli 80% o economi'r DU.*

2. Ymagwedd raddedig tuag at rhyddid pobl i symud, sydd yn gwarchod ei fanteision niferus, tra'n rhoi pwysau ar gamfanteisio ar lafur.

HEB EI FODLONI. *Mae papur gwyn Llywodraeth y DU ar fewnfudo yn cynnig system fewnfudo sengl yn seiliedig ar sgiliau, ond ar ôl cyfnod pontio, mae'n cynnig gweithredu trothwy cyflog blynyddol o £30,000. Mae hyn yn debygol o arwain at rwystr i fewnfudo ar gyfer swyddi â thâl isel yn y gwasanaeth iechyd a chymdeithasol, gan achosi anawsterau difrifol i'r gwasanaethau hynny.*

3. Cyllid: gwarant llawn y bydd cyllid sydd yn llifo o'r UE heddiw, ac y byddai'n parhau i lifo yn y dyfodol, yn cael ei ddarparu ar neu uwchlaw'r lefel honno gan Drysorlys y DU, unwaith y bydd Brexit wedi digwydd.

HEB EI FODLONI. *Er bod ymrwymïadau wedi eu gwneud i anrhydeddu gwobrau cyllid wedi eu gwneud cyn diwedd gyfnod pontio, y tu hwnt i'r dyddiad hwnnw nid oes unrhyw warant o unrhyw fath y bydd Cymru'n cael yr un lefel o gyllid ag yr ydym yn ei gael heddiw trwy Gronfeydd Rhanbarthol a Chymdeithasol yr UE, y PAC a chyllid ymcil a diwylliant. Yn Etholiad Cyffredinol 2017, cynigiodd maniffesto'r Ceidwadwyr Gronfa*

Ffyniant Gyffredin. Hyd yn hyn, nid ydym wedi gweld unrhyw fanylion ar faint arfaethedig y gronfa na'r meini prawf ar gyfer ei dosbarthu. Nid ydym chwaith wedi gweld unrhyw fanylion ar ddisodli'r cronfeydd sydd yn deillio o'r Polisi Amaethyddol Cyffredin. Bydd cymunedau amaethyddol a gwledig Cymru'n cael eu gadael yn angof niweidiol. Bydd cyllid parhaus ar gyfer ymchwil a chydweithredu'n cael ei bennu mewn trafodaethau ar ôl i ni adael yr UE.

4. Cynnal amddiffyniadau cymdeithasol, amgylcheddol ac economaidd, sy'n cael eu darparu i Gymru trwy ein aelodaeth o'r UE, yn llawn, yn cynnwys pob amddiffyniad a ddarperir ar gyfer gweithwyr.

WEDI EI FODLONI'N RHANNOL. *Er bod ymrwymiad i 'drin pawb yn yr un modd' (fel rhan o'r 'backstop') sydd yn cynnwys cystadleuaeth deg ym maes safonau amgylcheddol a llafur, nid oes unrhyw ymrwymiad i alinio deinamig y tu hwnt i hynny.*

5. Cadarnhad cyflym o statws parhaol gwladolion yr UE sydd yn byw yng Nghymru ar hyn o bryd yn y cyfnod ar ôl Brexit.

HEB EI FODLONI. *Er bod Llywodraeth y DU bellach wedi nodi proses lle gall Gwladolion yr UE gadarnhau eu statws sefydlog, gall neb ddweud bod y broses wedi bod yn gyflym. Mae statws dinasyddion yr UE, rhai sy'n agored i niwed yn arbennig, yn dal yn beryglus ac yn destun cais llwyddiannus am Statws cyn-Sefydlog neu Sefydlog. Mae sawl rhwystr a allai achosi nifer fawr o bobl i syrthio drwy'r rhwyd, a'u gadael heb eu cofnodi. Bydd statws dinasyddion yr UE yn y DU yn y dyfodol hefyd yn destun deddfwriaeth fewnfudo a gallai gael ei newid ar un ochr gan Lywodraeth y DU. Gallai rhywfaint o hyn fod yn ddeddfwriaeth eilaidd, felly ni fydd angen cymeradwyaeth y Senedd. Bydd hawliau ailuno yn dod i ben erbyn 2022 ac mae hawl i ddychwelyd yn cael ei gwtogi.*

6. Ffocws newydd ar drefniadau pontio. Ni all fod dibyn i aelodaeth y DU o'r UE. Mae cymhlethdod trafodaethau Erthygl 50 yn golygu y byddant, yn anochel, yn

canolbwyntio ar y ffordd y bydd y DU yn rhyddhau ei hun o'r trefniadau presennol. Bydd yn rhaid datblygu'r berthynas â'r UE a gweddill y byd a chytuno arno dros gyfnod llawer hwy. Trefniadau pontio sydd yn dal mor agos â phosibl i'r sefyllfa bresennol fydd yn darparu'r llwyfan mwyaf sefydlog ar gyfer trafodaethau i'r dyfodol.

WEDI EI FODLONI. *Cytunwyd ar gyfnod pontio fel rhan o'r broses, ond bydd ond yn dod i rym os bydd y DU yn gadael yr UE gyda chytundeb. Wedi dweud hynny, mae'n anodd dod o hyd i unrhyw sylwebwyr gwybodus sydd yn credu gall y trafodaethau ddod i ben o fewn cyfnod o ddwy flynedd yn unig.*

7. Cyfranogiad llawn yn llunio sefyllfa drafod y DU a chyfranogiad uniongyrchol yn y trafodaethau hynny sydd yn cynnwys meysydd cyfrifoldeb wedi eu datganoli, gan ddefnyddio model cyfranogiad y gweinyddiaethau datganoledig yn y Cyngor Gweinidogion.

HEB EI FODLONI. *Er bod Llywodraethau Cymru a'r Alban wedi mynychu llawer o gyfarfodydd gyda gweinidogion Llywodraeth y DU, roedd yn rhaid i Lywodraethau Cymru a'r Alban, ar sawl achlysur, fynegi eu hanfodlonrwydd mawr tuag at y diffyg ymgynghori. Mae hyn wedi bod yn arbennig o amlwg yng nghyfnodau mwyaf diweddar y trafodaethau. Yn aml, mae hyn wedi bod mewn gwrthgyferbyniad llwyr i gyfranogiad DUP Gogledd Iwerddon.*

8. Cydnabyddiaeth eglur o barhad di-dor cymwyseddau datganoledig presennol wrth i'r DU adael yr UE: mae'n rhaid i gymwyseddau datganoledig sy'n cael eu rheoleiddio ar hyn o bryd ar lefel yr UE barhau i gael eu cyflawni gan y gweinyddiaethau datganoledig, pan na fyddwn bellach yn aelodau o'r UE: mae'n rhaid i unrhyw fframweithiau newydd y DU gael eu trafod yn rhydd rhwng y pedair Llywodraeth.

WEDI EI FODLONI RHANNOL. Mae hwn wedi ei fodloni am fod Llywodraeth Cymru wedi dod i gytundeb gyda Llywodraeth y DU y dylid trosglwyddo pwerau'r UE yn ymwneud â meysydd cymhwysedd datganoledig i Gaerdydd. Ond mewn meysydd penodedig, bydd pwerau rhai yn aros yn San Steffan am gyfnod o pum mlynedd. Nid yw'n hysbys eto pa ddylanwad fydd gan lywodraethau datganoledig pan fydd unrhyw fframweithiau angenrheidiol y DU yn cael eu sefydlu.

9. Ymrwymiad cyfan gwbl i ailffurfio'r berthynas rhwng cydrannau'r Deyrnas Unedig, yn y cyfnod ar ôl yr Undeb Ewropeaidd, yn cynnwys dosbarthu cyfrifoldebau a pheirianwaith y llywodraeth rhwng y pedair gwlad.

HEB EI FODLONI. Er y bu trafodaeth sut bydd Llywodraeth DU trafod ar 'gytundebau fframwaith', ni chafwyd unrhyw drafodaeth neu ymrwymiad i 'ail-lunio'r berthynas gwahanol gydrannau o'r Deyrnas Unedig' mewn termau cyffredinol.

10. Efallai fod Cymru yn gadael yr UE, ond nid ydym yn gadael Ewrop. Mae angen clir, ar frys, i sicrhau Parhad ein cyfranogiad yn rhwydweithiau a phartneriaethau Ewropeaidd allweddol.

WEDI EI FODLONI'N RHANNOL. Ceir dau fater yma. I ddechrau, cyfranogiad mewn rhwydweithiau a phartneriaethau presennol sydd yn dibynnu ar gyllid yr UE – e.e. Horizon 2020, Erasmus, Ewrop Greadigol. Nid yw ein cyfranogiad parhaus yn y cynlluniau hyn wedi cael ei gytuno. Byddai trafodaeth yn cael ei threfnu ar ôl i ni adael yr UE yn unol â'r prosesau a amlinellir yn y Datganiad Gwleidyddol. Yn ail, mae hyn hefyd yn cyfeirio at rhwydweithiau y byddai angen i Gymru eu cynnal fel rhan o strategaeth Ewropeaidd/ryngwladol barhaus ar gyfer Cymru os bydd Brexit yn digwydd. Rydym yn gwerthfawrogi'r camau y mae Llywodraeth Cymru wedi eu cymryd tuag at strategaeth ryngwladol fwy cadarn.